

O R A T I O

HABITA IN FVNERE

REVERENDI PATRIS

CLAVDIJ FRANCISCI
MILLIET DECHALES

Societatis Iesu,

A P. CAROLO HYACINTHO FERRERIO

eiusdem Societatis.

In Collegio Taurinen. die 28. Martij 1678.

AUGUSTÆ TAURINORUM 1712.

 Ex Typographia Jo. Baptistæ Fontanæ.
Superiorum permissu.



(3)

SI quis vestrum est, N. N.,
qui paucis ante mensibus
Sapientissimum Virum
Patrem Claudium Fran-
ciscum Dechaies in hac aula, ex
hoc loco dicentem audierit; fieri
certè nequit, quin misera rerum
vicissitudine perturbatus diem il-
lum Academiae Taurinensi felicis-
simum cum hoc conferat tristissi-
mo die, quo eundem audiet à me
ab eodem loco funesta laudatione
commendari. Hæc igitur erant,
quæ ille sperare iusserat? hæc erant,
quæ nobis de se ipso pollicebatur,
cum ea, qua solebat, ingenij feli-
citate cupidis rerum novarum.
Adolescentibus Mathematicum

A. 2

Mun-

*Prælectionem Mathematicam habuerat P. De-
chaies quatuor ante mortem mensibus in aula
Collegij Taurinensis, in qua oratio habita.*

(4)

Mundum euolueret? Fuit (ò mortis inuidiam! ò labem! ò funus non vnius hominis, sed omnium penè litterarum, & artium!) fuit quàm magna, tàm brevis fælicitas vestra, Taurinenses. Mandavimus Terræ virtutem illam, quam scilicet hac lege permiserant superi, vt serò darent, eriperent citò. Amisimus Lumen, & Decus Academiæ: hunc nobis honorem idem annus attulit, idem ademit. Auget iacturæ grauitatem violenta celeritas fati: mentem auream, animum planè cælestem agnoscere licuit, frui negatum est; vt scilicet comperta prius virtute statim carituri, & certiùs experiri malum, & dolentiùs prosequi cogeremur. Enimuero, nisi
pre-

pretiosæ essent sapientum exuviæ, nisi religiosum cinerem, & dulces reliquias, vel ipsis lacrymis emere præstitisset, parum abfuit, quin dicerem: Si tanto Viro repente orbari debuimus, satius fuerat nunquam adipisci, quod erat incredibile mœrore, & luctu dimittendum. Quid enim ab eius possessione boni lucrati sumus præter usum voluptatis breuissimæ, & acerba femina magni doloris? Sapientis tamen est, Auditores, iusto dolori vel modum præscribere, vel otium dare; ne periculoso silentio se ipsum tegat; fit enim sæpè, dum taciti dolemus, vt ne dolere quidem videamur. Abeamus itaque ab hoc inestæ taciturnitatis officio; erumpat in commenda-

(6)

tionem virtutis ereptæ mutus dolor; nefas est, si pares illi laudes inuenire non possumus, impares recusare. Nam etsi laus nulla sufficere potest summæ virtuti, studio tamen Oratoris sufficere debet conatus ipse laudandi; qui si parum feliciter cedat, vtrumque fateatur ingenuè, & se minùs potuisse, quàm vellet, atque id saltem voluisse, quod posset. Ego tamen Claudium Franciscum Dechaes satis commendatum existimabo, si vocibus omnium vestrum commendauero; immò ne hoc quidem satis esse credam, nisi modestam hominis verecundiam ad eius laudes adhibere, & impellere possim. Quod vt consequar, duo mihi potissimum querenda

(7)

renda sunt; Quid cæteri de ipso, quid de se ipse sentiret. Diuinam quippe virtutem iudico, quam mirantur omnes, quæ se ipsam sola non miratur.

Primum omnium, si fortunæ, naturæque munera delibare placet, haud scio, vtrum magis ex dignitate futurum sit; an studiosius inquirere, an potius negligentè dissimulare, quid omnes de illius sanguine, de patria, de opibus, & splendore parentum, de antiquitate Originis, & Nominis claritate iudicarent. Quippe in eiusmodi Viro, qui abdicata rerum humanarum pompa fortunæ domesticæ strepitum eiurauerit, commendare maiores, titulos, & stemmata ambitiosè describere, quid

A 4

aliud,

aliud, quàm sterilitas laudum videri potest? tenuitatis enim, & inopiæ argumentum est, aliena inuadere, vt crescant sua. Quam obrem ineptè laudamus, quod ille latere voluit, ne laudaretur; ineptè miramur in sene, quod nondum virilis animus, nondum matura virtus infra dignitatem suam esse iudicauit. Nisi fortè magnanimus ille contemptus, quo rebus humanis altior, quidquid omnes venerantur, animosè dedignatus est, tabulas maiorum, & stemmata, monumenta clarissimæ stirpis, sacros, militares, aulicos dignitatum gradus, & insignia velut in triumpho morem explicari deposcat; vix ex illo rerum apparatu æstimetur, quantus ille fuerit, qui tanta contempe-

(9)

tempserit, Quidquid cæteri sentiant, Auditores, Ego certe ita iudico: Nobilitatem ex virtute nasci, sed ab illa quasi Matrem ornari virtutem; Sacros homines moribus quidem magis, quam titulis censendos esse, sed morum sanctitatem addita magni nominis luce pulcrius, nitidiusque splendescere; plurimum denique ad Claudij gloriam afferre momenti societatem ipsam, & consensum eorum omnium, quæ apud varios hominum ordines in pretio sunt, Cuius enim gloriæ fuerit, eundem Virum nobilitate Aulicos, Doctrina Sapientes, religione, pietate, innocentia Domesticos in admirationem sui, & amorem rapuisse? Itaque dignitas illa, quam à maioribus

bus acceperat Claudius, non quòd parua videatur, negligenda est, sed tamquam nota omnibus leuiter potiùs attingenda; pedem hac in re altiùs figere non accurati, sed otiosi Oratoris esse videretur.

Neminem quippè vestrum, ignorare arbitror Millietam gentem fœminea, & virili stirpe latissimè propagatam vtriusq; Nobilitatis tum Sabaudæ, tum Subalpinæ prima capita arctissimo Cognationis vinculo attingere, Monmaiores, Prouanas, Dauisios, Noueros, Lescherenios, Costas, Isnardos, Solarios, Osascos, Monchanutios, Flescherios, Rotarios, Vallisfareos. Quotusquisque Procerum est, qui nesciat, Claudij fratres, alterum Camberienſis Curia

riæ Supremum Præsidem, alterum
 è Senatore Pontificem nuper ab
 amplissimo Centronum Sacerdo-
 tio ad Præsidis demortui curas fu-
 nestæ hæreditate fraterni honoris
 tum Reginæ precibus, tum Pon-
 tificis iussu compulsus; reliquos
 verò partim experientia rei mili-
 taris, & bellicæ fortitudine illustres
 Principi, & gloriæ sanguinem, &
 vitam consecrasse, Prouinciarum,
 & Arcium præfecturas summa fide
 gessisse; partim sacra militiæ stu-
 dio sub iisdem signis, quibus olim
 Claudius, etiamnum viuere? No-
 stis omnes, neque ista mihi ex an-
 naliū fide petenda sunt, huius
 dignitatem familiæ non vnius æta-
 tis esse, sed omnium retrò tempo-
 rum, cuius initia, progressusque
 obli-

obliviosa antiquitas abdidit; iam
indè à Caroli Emanuelis Primi
temporibus magnos Sabaudiaë
Cancellarios, & Principis Patres
numerasse, tùm perpetua serie
Præsides, & Senatores, Centu-
riones, & Tribunos militum,
Torquatorum Sabaudiaë Equi-
tum Cancellarios duos, Nobiles
Principum Cubicularios, Equites
tùm Sancti Mauritij, tùm Meli-
tenses, denique infultos Antisti-
tes quatuor, & quem Tarantasiaë
Archiepiscopum dixi ad Sabau-
diaë felicitatem superesse, & cæte-
ros pridem extinctos, Philibertum
Augustæ primùm, mox Ipporediaë
Episcopum, Paulum Maurianen-
sem, Philibertum alterum Tauri-
nensem. Vix habet Sabaudia gra-
dum

dum vllum honoris, quem Domus ista non occupauerit; omnia propemodum Regni ornamenta in vnam familiam successu temporis congesta sunt; quidquid largiri Principes, quidquid virtus sperare potest, impetrauit: nihil iam futuris Nepotibus superest, quod insoliti, nouique splendoris acquirant, sed gloriari possunt ab illa se Domo prodijisse, in qua vincere nequeant Maiores suos.

Quare huiusmodi laudes vulgaritas omnibus vltro relinquamus; ad Claudium accedere propius, & percontari libet, quod esset, de Viri Doctrina iudicium Sapientum. Atque vtinam Europæ voces vniuersæ imitari possem, & plausus referre, quos dedit; cum
grande

grande opus, Mathematicas
 omnes disciplinas, velut tantæ
 mentis hæreditatem exciperet,
 nec Auctori minùs gratularetur,
 quàm sibi; illi, quòd eius nominis
 famam perennibus monumentis
 posteritatis memoriæ consecratam
 nunquam timeret vitio tempo-
 rum interituram; sibi, quòd tacitis
 omnium votis indulgente Claudij
 modestia vocaretur in partem, &
 fructum eruditi laboris! Miraban-
 tur alij mentis vim, & robur inge-
 nij, quòd rerum arduitate non
 vinceretur; sublimitatem alij,
 quòd communia, & trita contem-
 neret, altissima quæque perinde
 ac obuia, & vulgata prægrederetur.
 Erant, qui perspicacis animi subti-
 litatem commendabant, quòd ab-
 strusa,

strusa, & longè ab oculis semota
 penitùs, intimèque peruaderet;
 qui elegantiam, & venustatem,
 quòd suo quæque loco collocaret,
 aptè omnia, ordinatèque digere-
 ret; qui fèlicitatem, & copiam,
 quòd paucis multa colligeret; qui
 diligentiam, & laborem, tùm quòd
 nihil omitteret, tùm quòd angu-
 sta, & scopulosa non minùs, quàm
 amœna, & iucunda pari studio, &
 alacritate versaret. Sed omnes pa-
 ritèr vno vocis, animiq; consensu
 fatebantur, se quidem mirari satis
 non posse amplitudinem illam,
 mentis, & vastitatem, qua solus
 tam multa, tam ardua, spinosaque
 breui decennio, & vniuersè com-
 plecti, & fœlicitèr euoluere, & ce-
 leritate summa ad exitum deduce-

re

re potuisset. Fuisse plurimos, qui
 Matheseos partem aliquam illu-
 strandam sibi delegerint, alios Op-
 ticam, Staticam alios; plures in
 Elementis vitam omnem, conten-
 tionemq; animi occupasse non sine
 laude, & pretio laboris, singulos
 deniq; singula decerpisse; qui om-
 nia tam plenè, tam vastè aggredi,
 & comprehendere auderet, ante
 Claudium fuisse neminem. Ne
 illos quidem antiquitatis Magi-
 stros, & Duces æternitatem nomi-
 nis, & famam ex vniuersa Mathe-
 si, sed ex singulis partibus colle-
 gisse. Elementa tradidit Euclides,
 Horoscopia Anaximander; Geo-
 metriam Democritus, Mechani-
 cen Architas, Arithmeticam Eu-
 doxus, Architecturam Vitruuius,
 Sphæ.

Sphæram, & Cylindrum Archimedes; Astrologiam Xenocrates; & Ptolomæus: quid plures enumerare opus est? Nemo vnquam angustos limites, quos sibi circumscripserat, egredi, nemo plures, quàm duas, tresue disciplinas ex infiniti operis mole pertractandas suscipere ausus est. Cuius animi? cuius doctrinæ fuit, quod portentosa illa veterum ingenia desperauerant, quod antiquitas tota intentatum reliquerat, id non modò fortiter arripere, sed celeriter exequi? Claudius Franciscus Dechaies, qui primum ætatis florem humanioribus litteris, reliquam verò, & optimam vitæ partem Philosophiæ, & Theologiæ plenè deuouerat, qui mentem in pere-

B

gri-

grinas diuiserat linguas , Italicè, Latinè, Græcè loquebatur, neque veterum modo delicias nouerat, sed recentium quoque lapsus, & errata Græcorum; cum spiritus illos, neruosque robustioris ætatis pristinus fregisset labor, hoc sibi tamen onus imposuit, hoc suarum virium esse arbitratus est: Tractatus, vt cum ipso loquar, triginta, & amplius, libros fermè centum typis edidit, quibus Mathematica omnia abdidit, inclusitque. Neque in tanta varietate rerum, & festinatione scribendi apicem vllum immensi operis inexploratum abire permisit, quin sæpè reuocaret ad trutinam, attentèq; inspiceret, num parere ambages, num aciem effugere posset tyronis inculti.

culti. Neq; enim, vt tenebriones aliqui solent, qui caliginem, & umbras, quas materia secum habet, suis quoque tenebris augent, non, inquam, cogitabat, quàm multa, sed quàm dilucidè scriberet; quòd eo consilio iniecerat calamo manum, vt in Mathematicis peregrinum prorsus; & hospitem à primis vsque rudimentis ad supremum artis fastigium longa quidem, sed plana, & æquabili via sine tædio, & labore deduceret.

Et sanè tenuit Claudius, quàm sibi destinauerat, publicæ utilitatis metam; sed nobis quantum nocuit, quòd nimis prodesse voluerit! Mortem hanc, quàm dolemus, beneficis nobis, fatalis ipsi labor properauit: quid enim de

illius vita expectare poteras, qui quatuor annorum spatio, quibus Parisijs docuit, mille scriptorum, volumina (ut ipse aliquando familiari suo amicè testatus est) incredibili celeritate perlegerit ? Importunum laborem, qui festinatae mortis est reus ! qui tantum opus simul peperit, simul operis auctorem, qui opere suo pretiosior erat, extinxit. Paginas infælices ! quæ viri sapientiam, quam continent, ut posteritati tradere possent, ætati suæ, & nostræ inuiderunt. Excepimus plausu eruditum munus ; credebamus enim Doctrinæ suæ munus illud esse, non vitæ. Damna-
re nunc cogimur funestam hominis liberalitatem, & qui futuro dolori gratulabamur incauti, pristinam

nam · fœlicitatem deploramus.
 Non egebat libris ætas hæc noſtra,
 vt tantam mentem agnoſceret.
 Peruaſerat Principum, & Regum
 Aulas Claudij fama, antequam
 ſcriberet. Ludouicus XIV. Gal-
 liarum Rex, cum rudes, & inex-
 pertos artis ſuæ Nautas, ipſosque
 Nauium Præfectos erudiri vellet,
 ſciretque pinguibus Nautarum, &
 militaribus Nobilium ingenijs
 longè ſubtiliorem requiri indu-
 ſtriam, & artem Magiſtri, Clau-
 dium, cuius Doctrinam celebrari
 audierat, è Sabaudia euocatum
 inſtitutorem nauticæ Maſſilienſi-
 bus dedit. Carolus Emanuel II.
 Princeps optimus, qui omnes hu-
 ius nominis, & ſanguinis, homines

vnice diligebat, cum illum audisset intermissa Mathesi Theologiam Lugduni tradere, malè, inquit, actum: Debuerat cætera prorsus omnia abijcere ex animo, seque totum Mathematicis abdere. Nondum scilicet illius vastissimæ mentis vires agnouerat, quæ licet in plurimas artes diuisa, sufficeret omnibus. Nesciebat eum, esse Claudium, qui rerum humanarum, diuinarumque scientiam ita penitus hauserat, vt nunquam de Mathesi cogitasse videretur. Audiuius ipsi, & sæpè admirati sumus, cum in publico disceptantium theatro breuiter quidem, & contortè, sed acutè, subtiliterque disserteret, vt hominem crederes non argumenta proferre, sed spicula

cula. Audiuius, cum in familiari congressu de Theologicis incideret sermo, rem ipsam protinus attingere, neque per ambages, & circuitus accedere ad causam, aut in vestibulo hærere, sed recto mentis cursu, & primo statim gradu ad controuersia caput, nodumque ipsum, vt aiunt, deuenire. Quod quidem eò admirabilius est, quò longius ista ab hominis instituto recedebant, qui pluribus iam annis Philosophiæ, & Theologiæ cogitationem omnem prorsus abiecerat.

Hæc igitur de Claudij eruditione, & doctrina palàm, & publicè ferebantur; sed erant longè maiora, quæ nunquam prodierant Domo, & intra nostros parietes

breue quidem, non tamen, vt arbitror, contemniendum secretæ admirationis theatrum habuere. Quamuis enim magnum apud exteros locum Claudius obtineret, mihi tamen credite, Auditores, nunquam hominem plenè nostis; nunquam enim totus in publicum venit. Vos scilicèt in paginis, & libris, nos in moribus animam Claudij legebamus; vos, quæ scripserat, agnoscere potuistis; nos, quid rerum in dies ageret, explorare; vos sæpè de literis, sæpiùs fortasse de pietate, & virtute disferentem audiebatis, nos, quæ cæteris suaderet, re ipsa perficere, & exequi videbamus, plura etiam præstare, quàm quæ cæteris suaderet. Atque illa quidem tanta
sunt,

sunt, ut taceri non debeant; eorum verò recordatio tam acerba, ut cogitari vix possint. Hæret adhuc pectori cicatricis asperæ dolor; Sentio perturbari animum, & recrudesce vulnus, dum ea mente repetimus, quæ olim maximè delectabant, dum videmus; adeò ut, quæ pietas semper fuit, nunc quædam crudelitas sit, laudare virtutem. Placet tamen, Auditores, crudelem potius esse, quàm invidum videri; non parcam dolori vestro. Nam etsi sopitus dolor excitetur commemoratione virtutis, hoc tamen acerbo licet officio pascitur animus, & quiescit. Itaque ut tanti Viri virtutes neque silere possumus sine invidia, neque recordari sine dolore;

lore; ità nec dolere quidem licèt
 sine aliquo sensu voluptatis. Agi-
 te, repetamus animo, quæ olim
 taciti mirabamur. Quantus erat
 in illo contemptus rerum huma-
 narum, qui nihil iam optare noue-
 rat, nec fugere; neque vnquam
 gaudere visus, nec conqueri.
 Summa, & infima splendida æquè,
 & abiecta eodem apud illum ordi-
 ne habebantur; vt neque in illis
 honorem quæreret, neque in his
 pudorem, aut obscuritatem time-
 ret. Pari studio, & alacritate ani-
 mi Massiliæ inter solos quandoq;
 Nautas, & Parisijs inter Equites,
 Principesque versabatur. Nun-
 quam munus muneri, Urbem
 Vrbi prætulit, qui omnia paritèr
 humana contemnebat. Supellex
 apud

apud illum nulla: Apum more, nihil secum habebat præter labores suos. Sed quid cætera, quæreret, qui se ipsum alieni iuris fecerat? Quippè ut olim Philosophus ille, cum multa didicisset, se nihil scire profitebatur; ita Claudius, cum quæ cæteri vellent, summo studio, & alacritate sequeretur, & alieno arbitrio viveret, hoc tandem consecutus fuerat, nihil velle. Itaque cum Parisijs in hanc Urbem accersendus esset auctoritate Principis, precibus, & studio Nepotis, occurreretque ægrè hominem fortasse ab illo orbis terrarum theatro discessurum, omnia tamen inconsulto Claudio peracta sunt, quem scirent nunquam spectare, yndè discederet, sed quò vocaretur.

tur. Neque enim aut loci dignitas, aut splendor ullus, nec cupiditas gloriæ, aut vana celebritas nominis magnanimam Viri mentem acuebat ad laborem; cum sæpè amico suo, cui nihil aut dissimulare voluit, aut simulare potuit, ingenuè professus sit, nunquam se laudis, honorisque studio adductum, ut libros ederet, sed spe, & amore publici boni.

Quæ omnia eò maioris erant apud nos ponderis, quò ille vehementius à simulatione, & dolo abhorrebat. Sunt enim aliquando, qui mores optimos, quos assequi nolunt, imitari tamen student: Claudius (ò Virum, qui nihil tegere nouerat, præter virtutem!) gloriam, & laudem, quam meritis
ma-

maiolem crederet, dedignabatur; imò quam sibi debitam negare non posset; verecundè, & modestè declinabat. Nullus in illo fucus; plena omnia ingenuitatis, plena candoris. Parcè loquebatur, sed grauitèr, sed sapientèr; neque numerus, aut turba, sed pondus erat in verbis. Plena vox, & constans, non leuis, non lubrica; grauis incessus, non concitatus, non præceps; maiestatem præferebat aspectus, quam comitas, quam humanitas temperabat; reuerebaris occursum, non formidabas: idem deniquè cum omnibus agendi tenor; pares publicis domestici mores. Quid? animus ille, quàm integer, quàm incorruptus! qua pietate, & innocentia, ceteroque

vir-

virtutum Comitatu diues, instructusque eminebat. Nunquam effertur visus, nunquam erumpere; iracundiæ ne primos impetus quidem, nec leue vestigium perturbatæ mentis agnoscere licuit. Nam si quid controuersum accideret, ubi doctrina, & ingenio pugnandum esset, quàm erat sine felle ipsa indignatio? quàm decorus ardor! quàm innocens flamma! Hominem ego altissimo flumini sæpè tacitus comparabam, quod placido, quietoque lapsu nunquam extrà ripas redundaret, sed illimi aquarum puritate profundum alueum, altèque recedentem ostenderet. Atque hanc facilitatem, & quietem ingenij hauserat ille quidem ab eodem fonte,
à quo

à quo ceteri ex eius stirpe, quibus
 suauitas morum videtur commu-
 ne quoddam esse patrimonium,
 sanguinis è maiorum venis accep-
 tum; Sed auxerat beneficium na-
 turæ, & excoluerat arte, studio,
 que virtutis: adeò vt nec repen-
 tinis casibus commoueretur, &
 in ipso mortis occasu eandem ani-
 mi constantiam, & serenitatem
 frontis seruarit. Erat tamen in
 illo silentio, & tranquillitate men-
 tis ardor quidam indolis, & vege-
 tum robur, quo magna, & subli-
 mia fortiter moliebatur, pertina-
 cem solitudinis, studiorumque la-
 borem constantissimè tolerabat,
 nunquam è cubiculo pedem, nun-
 quam à libris, & calamo manum
 referebat, vt noua in dies medita-
 retur.

retur ; & quæ cogitauerat , scripto traderet , non vt grandi arcano amicis , & sibi custodiret , sed vt publicæ vtilitati liberalitèr consecraret . Quid dicam ? quibus stimulis , qua flamma , quo diuini cultus promouendi studio incenderetur , cum in ipso iuuentutis flore tenuissimæ valetudinis adolescens precibus quàm potuit diligentissimis postularit ; vt Constantinopolim ad Græcos pueros erudiendos mitteretur ? Quod quidem assiduus flagitator impetrauit ; & in Principe Turcarum Vrbe , insulisque circumpositis toto quinquennio commoratus est inter tædia laboris improbi , & puerilium nugarum . Itaque , Auditores , cum auctoritas Principum ,

pum, preces, & officia amicorum
 utili furto Claudium Parisijs eri-
 puissent; cum nostrum esse, inter
 hos parietes viuere huiusmodi vi-
 rum videremus, gratulabamur
 felicitati nostræ, neque vt alij cla-
 more, & plausu, sed velut attoniti
 suspensique intimè gestiebamus,
 tantam virtutem alto silentio, &
 tacita veneratione prosequeba-
 mur.

Atqui cum apud Principes,
 Equitesque, apud Sapientes, &
 Domesticos, præclara esset, & per-
 uagata Claudij fama, haud abs re
 fuerit paucis inquirere, quid de se
 Claudius ipse sentiret. Breuissi-
 mè dicam. Quod vnusquisque ex
 vulgo literatorum, quod medio-
 cris ingenij, & conditionis homo,

C

hoc

hoc de se ipso Claudius sentiebat. Hinc scilicet oriebatur verecundus ille pudor, & Aulæ fuga; quippe toties expertus fuerat modestiam eò seuerius excipi, quò benignius exciperetur à Principe. Mirabatur enim, & vix ipse credebat sibi, cum apud Equites, apud Reges in pretio esse, nomen aliquod, & locum obtinere experiretur. Hinc cum occurrentem fortè Claudium magni nominis Princeps singulari beneuolentiæ significatione salutasset; quærenti deindè, amico, cur nunquam Principem obsequij causa adiisset; quid, inquit, adirem, cui me putabam ignotum?

Plura dicerem, si aliquid unquam ille dixisset; sed laudum sua.

suarum avarissimus Vir, quia aliena
 tantum mirari poterat, sua despi-
 cere, silentio suo penè etiam nobis
 legem imposuit, & necessitatem
 tacendi. Nunquam tamen hoc
 impetrabit à me inimica Claudij
 gloriæ Claudij modestia, quæ si
 ceteras laudes siluit, silentium cer-
 tè ipsum silere non potuit, & ma-
 ximam hanc laudem Oratori reli-
 quit, quòd ceteras laudes oppres-
 serit. Quamquam non tacebat
 Claudius, dum taceret; virtutes
 enim parvæ loquuntur, ingentes
 tacent; sed taciturnitas ipsa lo-
 quax est, & magnitudinem mutæ
 virtutis sine strepitu, & voce fate-
 tur. Neq; tamen eo consilio de se
 ipso dicebat nihil, ne laudes suas
 se ipsum laudando minueret, sed

ideò nihil laudabat, quod nihil in se crederet posse laudari. Neque idcirco hoc credidit, quod solus non agnosceret, quæ ceteri omnes in illo mirabantur; sed vastus animus, & maiorum capax, cum diviniore adhuc superesse cerneret, quæ nondum assequabatur, quamquam erant maxima, quæ iam studio, & labore consecutus fuerat, tanquam infima, & nulla essent, contemnebat. Mirentur tamen alij, quod sua nunquam laudauerit Claudius; miror ego magis, quod sua nunquam loquendo despexerit. Plures enim sunt, qui se ipsos voce contemnunt, se nullius rei, nullius nominis, nullius ingenij prædicant; Sed interim contemptum, & negligentiam sui cogunt

su-

(37)

superbiæ , & ambitioni seruire .
Nihil horum Claudius . Scire
vultis , quid ageret ? tacebat .

O' silentium hominis ! O' taci-
turnitatem omni voce , & laude
maiores ! Loquetur tamen poste-
ritas tota ; loquar ego , dum viuum ;
literæ omnes , Artes omnes , Aca-
demiæ , & Gymnasia , quæ te annis
fermè triginta docentem audiue-
re , sapientiam , pietatem , inno-
centiam , religionem tuam loquen-
tur . Neque Ciuitas ista cuius be-
neficio dies vitæ postremos impen-
disti , de Te ynquam Claudi file-
bit . Manet altè impressa menti-
bus , & fideli cogitatione descripta
imago virtutis tuæ . Viuis , æter-
numque viues in animis omnium ,
in quibus iam viuebas , dum viue-

C 3

res ;

res: habes hanc morti tuæ superstitem vitam, quæ mori non potest. Ita enim præsentem sentimus, ut sæpè oblitī doloris nostri, & funeris tui, quem nuper sepulchro dedimus, vix credamus extinctum, & oculis cernere videamur. Claudium cogitamus, Claudium quærimus, Claudium siue amoris, siue doloris inani fraude decepti videmus, audimus, alloquimur. Salve heroum sanguis, salve, & æternum vale. Fruere sclicitatis fastigio, quam Tibi virtute peperisti. Si tuorum, si mei, si laudum istarum, quas viuis contempseras, curam geris post fata; O' Pater, accipe postremum hoc munus, quod cineri tuo in amoris, & grati animi argumentum non sine la-
 ory.

(39)

crymis dolentes offerimus. Frue-
mur interim hæreditate luçtuosa,
quam solam relinquere potuisti;
habebimus pretiosa spolia mortali-
tatis tuæ: & ne quid iuris sit tem-
pori, signabimus fortunatum lapi-
dem, tuasque laudes, & nomen
immortalibus notis inscribemus.

H I C I A C E T

CLAUDIUS FRANCISCUS MILLIET
DE CHALES,

Genere, Sapientia, Virtute

Notus omnibus, ignotus sibi.

D I X I.

C 4

CAROLI EMMANVELIS II.

Sabaudia Duc's, Pedemontium Principis,
Cypri Regis, &c.

R E S G E S T Æ

Breuitèr, & Summatim descriptæ.



Arolum Emmanue-
lem Allobrogum.
Ducem eius nomi-
nis secundum oppor-
tuno, felicique partu
enixa est Christina à Francia die
vigesima Iunij anno millesimo
sexcentesimo trigésimo quarto
iam tùm scilicet futuras calamita-
tes præcauente Cœlo, cùm mori-
turo fratri successorem dedit, tan-
quam impendentis exitij publici
moram, & pignus redituræ salutis.
Natus enim est inter infausta præ-
ludia eius belli, quod Italiam pro-
pe

pe vniuersam, & Subalpinos potissimum Hispanis, Gallicisq; armis exercuit, & efferatis pertinaciter animis in eius ætatem latissime excurrit. Victorem Amadeum Patrem, qui tùm erat in Gallorum partibus, triennis adhuc infans amisit acri, breuique morbo confectum; mox, vt rarò solitaria contingunt mala, anno vix euolutò, nec dum siccatis paterni funeris lachrymis extrulit Fratrem natu maiorem Franciscũ Hyacinthum. Ita Sceptum, quasi paternæ, fraternæque mortis immaturum, ingratumq; munus, accepit. Interea tutela Principis, & rerum summa penes Matrem fuit: atq; hiuc alia Regni labe, ciuilis Discordia, quæ tandem Christinæ Parentis

infracto animo, & planè virili constantia compressa, extinctaque est. Neque deposita tamen arma, sed à Civibus in hostes rursus conversa; & natum cum Principe bellum, cum Principe adultum, eiusdem auctoritate, & imperio, cum iam annos pubertatis egressus regnum administrare cæpisset, toto decennio gestum est, feliciterque confectum. Inde ad Studia pacis animum Carolus vocans reliquam ætatem publicis rebus adhibuit. Nisi forte speciem aliquam belli præferre possint valida copiarum præsidia, & Magni nominis Heros Franciscus Ghironius Villa obsessis Cretensis Defensor datus; deficientesq; ab se perduelles Hæretici intra speluncas suas, & crepidines

dines montium quæſiti, armisq; ſubacti. Cætera pro tuendis finibus vltro ſuſcepta, initia, apparatusq; bellorum potiùs fuere, quam bella. Atq; vt pacatas, opulentasq; Prouincias externis quoq; viribus tutaretur, cum Catholicis Helueticorum Ordinibus fœdus ſanxit more maiorum. Iſdem auctor pacis, adhortatorque fuit, cum ſectæ in partes Republica ruerent inmutuas cædes Hæretici, Catholicique. Dum enim Concordiæ viam fruſtrâ quærent magnorum quoque Regum Legati, Carolus Emanuel, per Oratorem ſuum impetratis inducijs, imminens prælium diremit; tùm mollito paulatim furore partium ad priſtinam tranquillitatem gloriſſimè reuo-

cavit. Partem apud exteros gloriam secuta sunt domestica funera. Christinae Matris, quam usque ad supremum diem obsequentissime coluerat, cuius arbitrio Imperium ipsum, Regiamque auctoritatem, confirmata etiam ætate, permiserat, Matris, inquam, & tantæ Matris acerbissimam mortem gravissime tulit; eoque gravius, quòd lectissimam coniugem, parem sanguine paremque virtute Franciscam Borboniam, quam paucis ante mensibus solemni nuptiarum, pompâ iunxerat sibi, nullo dato dolori spatio, vno, eodemque rogo composuit. Sed alto numinis consilio ea mors contigit, ut Sabaudi sanguinis vxor Ioanna Maria Baptista Sabauda iungeretur, quæ
in

in præcipiti eius funere iacentibus animis spem aliquam faceret duraturæ felicitatis, nè orbitatam suam sentirent populi, sed in vnius mente, religione, vigilantia sollicitudinem, metumque deponerent. Carolus certè, vbi primum senilem sponsæ prudentiam in flore ætatis agnouit, nihil illa inconsultà statuit impofterum; imò ad arcana consilij sanctioris admissam de rebus grauissimis deliberare voluit, & imperare secum. Ita scilicet, quasi futura è longinquo prospiceret, sociam Regni erudiebat populum, vt Sola etiam imperare posset. Quippè integris viribus, nulloque affecti Corporis indicio robustus Princeps, cui longam senectutem pollicerentur omnes, im-

mor.

mortalitatem optarent , cùm magna iam opera perfecisset, maxima moliretur, primo & quadragesimo ætatis anno nondum absoluto , relictoque vnico hærede sanguinis, virtutis, & sceptri Victore Amadeo, insperatò decessit. Quantus inde extiterit publicus dolor, quæ in aula, vrbe, totàque regione orbitatis, solitudinis, vastitatis indicia, cogitari faciliùs, quàm dici potest. Nam multa concurrebant in Carolum, quæ amorì, & dolori materiam darent. Magna illi Virtutis indoles, animus Regno maior, acre, certumq; iudicium, mens perse firma, subtilisque, & vsu rerum magistro plenior in dies, & fortior. Porro facilitas, comitasq; haud in alio profusa magis, & rapax. Nulli

vnquam inaccessus, nulli ieiunus,
 austerusque. Aduenas præsertim
 submisso regali fastigio familiaris-
 simè alloquebatur, velut imme-
 mor dignitatis suæ, quam tamen à
 contemptùs periculo vindicabat
 læta Maiestas. Suauitati morum
 par gratia, & dignitas frontis: vt
 plerique crederent arte quæsitam.
 Sed formæ contemptor animus ni-
 hil impatientius ferebat, quàm lu-
 xum, & fucos indignos viro. Ala-
 cres prætereà, gestandisque armis
 habiles artus, laborum patientia
 incredibilis, militare ingenium,
 præferuida, martialisque natura;
 sed indolis impetum fortior pru-
 dentia prope violenter cohibuit;
 effecitque, vt, qui bellum optabat,
 eligeret pacem. Bellisq; quoq;
 men-

mentem vel fregit, vel elusit imagine quadam pugnae venatio frequens, neq; ad humiles plerumq; praedas, sed in Apris, Ceruisq; incitatissimo equorum cursu conficiendis occupata. Hæ Principis delitiæ, hæc animi laxamenta, quibus nunquam à ciuilibus curis auocabatur. Cumulabat reliquas Caroli Laudes. Amor in suos. Hinc illa seruadæ pacis constantissima voluntas, quamquam & suæ ipse ingenio, & externorum Principum vocibus incitaretur ad bellum. Ab eodem fonte seueritas pariter & Clementia nascebantur, quas ita inuicem temperabat, vt neq; publicæ securitati noceret facilitas veniæ, neq; illius desperatio Principis benignitatem offenderet.

ret. Hoc vno fortasse minùs suorum amans visus est, quòd se ipsum plus nimìò contempsit. Nam & tranare flumina, dum rapidissimè fluerent, & ingentes fossas transilire equo, cæteraq; id genus pericula quærere solitus erat, impetu quodam fatali. Excusabatq; temeritatem perpetua euadendi felicitas. Cæterùm eius operum numerus, magnificentia, & splendor admirationem posteris, ipsius nomini immortalitatem dabunt. Augusta Regiæ moles, eiusque spatiosa Atria, vastæ Porticus, & reliquæ Opes ad Aulæ apparatus, & pompam ybique congestæ, rudimenta tantùm fuere seipsam experientis Magnificentia. Exeruit deinde se totam in regiæ Venationis

nis Prætorio, vbi Carolus, cùm suburbanam Domum cogitaret, par Vrbi Oppidum fecit. Cuius operis magnitudo iusti voluminis argumentum dedit; & iam typis excusum est, fietque aliquandò publici iuris. Accedentem geminus excipit ædium ordo pari fronte crescentium, prospectusq; illarum ingens, quantum oculus adigi possit, tum recedentes iu theatri morem, & in se iterum redeunt series domorum, longo rursus excursu, & nouo rursus theatro conclusæ. Feruet vndique incolarum multitudo, & euocata ex Italia, Gallia, Belgio pulcherrimarum artium Opificia. Quæ omnia vestibula sunt, & quasi proscenia Regiæ Domus spectaculo oculos præ-

paratura . Huius ambitus, molesq;
 vasta, & excipiendis Regibus par;
 supellex opulentissima , fontes
 crebri, varijque, sed in Herculeo
 mira ars, sumptus immensi . Adde
 septa peregrinarum auium, & fe-
 rarum, Hortorum spatia, Canum,
 Equorum, Plagarum apparatus
 amplissimos, deriuatas aquas fe-
 rendis cymbis minoribus pares,
 impositumq; superbum opus, pro-
 fani nominis, sed insolitæ pulchri-
 tudinis, Dianæ templum . Satis
 hæc erant gloriæ Principis, sed eius
 magnificentiæ nequaquam satis .
 Nam Vercellas insuper, amplissi-
 mam Urbem, nouo, & ampliore
 mœnium ambitu , quatuordecim
 propugnaculis, grandi vallo, mul-
 tisq; operibus cinxit: Vbi similior
 tem-

templo Urbis Porta albo marmore interiùs, exteriùsque vestita ingressuros sistit nouitate spectaculi. Ceux arcem altissimæ impositam rupi, nullo relicto antiqui operis vestigio, nouam, & inexpugnabilem fecit; excisoque interiori monte, muri loricam, vbi opus fuit, intra fauces apertæ rupis abscondit. Verrucam, quæ immunita quondam, Caroli Emmanuelis Aui vigilantia, maximi exercitus vires eluserat, noua mœnium corona communiuit: vbi nuper à montis dorso ductus per saxa puteus perennis aquæ, miræ profunditatis. Taurinensem urbem, vrbiumq; suarum Metropolim septem propugnaculis auxit, hinc ad Eridani, inde ad Duriaë fluminis ripam.

ripam. Quodq; vix impetrabit posterorum fidem, res tanta vnius anni labore confecta est. Aderat ipse improuisus sæpe; promouebatq; celeritatem Artificum præsentia, & liberalitas Principis. Qui vt erat cupidissimus rerum, vbi aliquid conceperat animo, nihil iam nisi finem cogitabat, nec suorum operam probabat magis, quàm cum celerrimè perfecissent. Inter hæc Taurinensis Curia, eiusque vasti carceres; Montiscalerij Prætorium ad magnam amplitudinem ductum; cæpta Academia, & longissima Porticus centum, & septuaginta è selectissimo marmore ingentibus columnis ornanda; in lacu Lemano structæ, armatæq; triremes, & species quædam Arcis erecta;

erecta; in Herculeo portu ad Ni-
 cæam producta ingentia claustra,
 excipiendis purgandisq; mercibus,
 quæcumq; mari veherentur; Æris
 fodinæ quæsitæ, haustæque, & inde
 conflata bellica tormenta, regio-
 rum operum appendices videri
 possunt. At sacra Ædes sanctissi-
 mæ Sindonis custodiæ dedicata, ea
 tandem est, in qua vires omnes
 artis, & magnificentiæ consumptæ
 sunt. Nigro marmore, æneisque
 Emblematis tota constat. Ampla,
 altæque crescenstestudo; aliisque
 desuper ordo columnarum, capi-
 tula, & bases è solido ære conflatae,
 & incrustatae auro. Ædis apex in
 fornicem desinit adeo in lubli-
 me porrectum, vt nulla Urbis
 moles altius itura sit. Sed lentum
 opus

opus est, ipsaque tarditate, quam vincere non potuit festinatio Auctoris, magnitudinem suam satis docet. Claudis operum agmen non sine admiratione omnium tridui iter in Sabaudia constratum, vbi repletæ valles, montes æquati solo, facta per medias rupes militaris via deducendis plaustris opportuna, & capax, vnde antea singuli pedites arcebantur. Pontes prætereà è quadrato lapide fluminibus impositi, vt facilem conuehendis è Gallia mercibus fecerit locum. Hæc tam multa, tantæque molis opera Caroli Emmanuelis II. Magnificencia annorum duodecim spatio confecit, cum exhaustis, vexatisque diuturno bello populis regnare cœpisset, nullisque imperatis extra ordinem vectigalibus pristinae felicitati restitutos videret. Quo etiam miranda magis eius animi magnitudo, quàm mortem immaturam adeò, magnisque consilijs importunam constantissimè excepit. Nam eodem semper vultu totam domesticis sui funeris pompam, lugubremquæ aulae apparatus imperauit; Regiam uxorem, quid ipsi agendum se mortuo, diligentissimè docuit; Medicis spem aliquam simulantibus vultu altè edixit, quidquid agerent, conclamatum esse; Auditque ad conclauis limina ciuium concursu, Prætorianis militibus significauit nutu, nè quemquam aditu prohiberent; Et, Sinite, inquit, omnes videant
etiam

etiam Principes mori. Sacris misterijs expiatus religiosissimè, delataque ad ipsum Christi sindone, ea dedit, quæ lachrymas omnibus extorsere: Amare se vnicè subditos, sed illud mirari, cur mortem suam tantoperè deplorarent: Gauderent potius nefarium hominem, pessimique exempli (ita seipsum appellabat optimus Princeps) eripi terris. Ita morte sacris quoque hominibus inuidenda defunctus est die duodecima Junij Anno millesimo sexcentesimo septuagesimo quinto. Fuit omnium opinio pium hoc mortis genus illi a Deipara impetratum, quam toto vitæ tempore, quotidianis obsequijs, extractis aris, templisque, crebris ieiunijs amantissimè coluit. Quod si magnæ virtutis præmium est, piè mori, illud sanè Carolo meruit cum reliquarum Virtutum numerus, cum ille Romanæ Religionis tuendæ sanctissimus ardor, quo sæpe professus est, se prius vitam suam, coniugis, filijque ferro daturum, quam subiectos sibi populos hæresis labe pollui pateretur. Hoc animo Regnum servavit, hoc reliquit.

F I N I S.

1.007.132²

MAG. 201.4897